



Page: 8

Reach: 0

Country: BOSNIA AND HERZEGOVINA

Size: 92 cm2

1 / 1

Mahao zastavom ISIL-a pred Predsjedništvom BiH

U 13.40 sati ispred zgrade Predsjedništva BiH u Sarajevu jučer je uhapšena osoba sa zastavom koja podsjeća na zastavu terorističke organizacije ISIL (Islamska država), saopštili su iz Direkcije za koordinaciju policijskih tijela BiH.

Kako je kazala glasnogovornica Direkcije Nataša Sikimić, u poslijepodnevним satima primijećeno je lice u putničkom automobilu golf 2 kako maše crnom zastavom sa arapskim slovima, koja izgledom podsjeća na ISIL-ovu. Policijski službenici Državne agencije za istrage i zaštitu (SIPA) preuzeli su osobu koju su povodom ovog događaja zadržali policijski službenici Direkcije za koordinaciju policijskih tijela BiH.

- U koordinaciji sa Tužilaštvom BiH, u prostorijama SIPA nad zadržanom osobom izvršena je kriminalistička obrada, kazala je Kristina Jozić, glasnogovornica ove agencije.

Nezvanično saznajemo da je riječ o Alenu Tahmišćiji (1986) iz Zenice. O ovom događaju obaviješten je i tužitelj Tužilaštva BiH.

E. G.

